



著瘴

成過罵人个事內底，有一句罵全然重即係「著瘴」。用現代事講即係「瘟疫」，像雞著「雞瘴」、豬著「豬瘴」。歷史上有真多這款案例。包括孔子个學生冉伯牛得著會穢人个病，孔子去睇佢个時，嘛係隔著窗子門感嘆講，恁好个人仰子會得著這款个病。東漢末年醫聖張機，即因為睇著十年內，百姓有三分之二死去，內底得著傳染病即十個占有七個。所以張機立志學醫救人，落尾成就做醫聖。

人類个歷史面上有幾下個真有名个著瘴。如十四世紀个歐洲，鼠疫真嚴重，一百年內得歐洲个人口減少三分之一，死四千萬人。另外美洲个印第安人，得歐洲傳來个天花病毒，害佢人死全然个多，硬討斷種。這兜攏係真悽慘个經驗。

當世界人口直直增加，愛愈多个糧食，破壞大自然，人類開始堵著一兜早即活在大自然个病毒，人類對這兜係無抗體个。這兜病在古早交通無利便个所在，穢个所在較有限。毋過，時到今日，愈來愈利便个國際交通，地球村若一有麼个傳染病，逐國即攏愛真注意，千萬毋會用有企在脣頭睇戲个心態。愛提高警覺，毋好一所在穢過一所在，一國穢過一國。穢到尾嘎攞穢倒轉來。所以大家愛有防疫事頭，逐儕攏有責任个心。像這回个新型肺炎，大家定著愛注意。在人多个所在定著愛戴嘴揞，保持距離較安全、勤洗手，這係保護自家，嘛係保護大家。

睇著世界恁多國家，像美國、義大利、西班牙逐日死恁多人，真多國家封城、鎖國，像係世界末日返款。印度封城，返兜靠逐日做事正有錢買物件食个人，盲病死會先餓死。睇著這兜報導，心肝底想講，好佳載偲臺灣猶會用正常生活。進前坐捷運，睇著大部分个人攏有戴嘴揞，單單伸一兜少年毋肯戴。希望這兜人愛替自家想，嘛愛替屋下个人想。撿採自家得著這款病，去穢著別儕，穢著屋下个人，特別係穢著自家屋下个序大人，佢人若按來過身，自家敢講毋會恨自家少年毋會曉想，屋下个經濟嘛隨有問題。所以在這個時代，逐個人攏愛有危機感、有責任加強自家个免疫力、好个衛生慣勢，發揮愛心互相照顧，大家共下渡過這回个危機。

作者：李秉璋

☆詞彙學習☆

【著瘴】choo zhongˊ：得到瘴癘之氣或是瘟疫這
種惡性傳染病，稱為著瘴。

【雞瘴】geˊ zhongˊ：雞瘟。

【穢人】bbeˊ nginˊ：傳染給別人。

【張機】zhongˊ giˊ：東漢末年時的名醫，字仲景，
著有《傷寒雜病論》等書，被後世尊為醫聖。

【鼠疫】chiˊ rhidˊ：經由跳蚤咬嚙齒類動物再咬
人類，將鼠疫桿菌傳染給人類。死亡率三～
六成。

【斷種】donˊ zhungˊ：滅種、絕種。

【脣頭】finˊ teuˊ：旁邊。

【睇戲】ngiangˊ hiˊ：看戲，在此表示事不
關己，置身事外看好戲。

【嘴揞】zheˊ emˊ：口罩

【撿採】giamˊ caiˊ：如果、說不定。

【序大人】si tai nginˊ：父母。

【過身】gooˊ shinˊ：過世。

【慣勢】guanˊ sheˊ：習慣。